

欽定四庫全書

子部

傷寒舌鑑



南京中医药大学图书馆版权所有

欽定四庫全書

子部五

傷寒舌鑑

醫家類

提要

臣等謹案傷寒舌鑑一卷

國朝張登撰登字誕先長洲人璐之子是書備
列傷寒觀舌之法分白胎黑胎灰色紅色紫
色微醬色藍色八種末附妊娠傷寒舌為圖
一百二十各有總論案舌白胎滑之說始見

張機傷寒論而其法不詳後金鏡錄推至三十六圖未為賅備觀舌心法衍至一百三十有七圖又頗病繁蕪登以已所閱歷參證于二書之間削繁正舛以成是編較之脉候隱微尤易考驗固論傷寒者所宜參取也乾隆四十六年四月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

傷寒古鑑

白胎

白胎

長洲張登撰

次則白涎白滑再次白


向是寒邪入經之微甚

亦色今反見白色者是

毛竅不得疏通熱氣不


得外泄故惡寒發熱在太陽經則頭痛身熱項背強腰
脊痛等證傳至陽明經則有白屑滿舌雖證有煩躁如
脈浮緊者猶當汗之在少陽經者則白胎白滑用小柴
胡湯和之胃虛者理中湯溫之如白色少變黃者大柴
胡大小承氣分輕重下之白舌亦有死證不可忽視也

微白滑胎舌




寒邪初入太陽頭疼
身熱惡寒舌色微白
有津香蘇散羌活湯
之類發散之

薄白滑胎舌




此太陽裏證舌也二
三日未嘗汗故邪入
丹田漸深急宜汗之
或太陽與少陽合病
有此舌者柴胡桂枝
湯主之

厚白滑胎舌




病三四日其邪只在
太陽故胎純白而厚
却不乾燥其證頭疼
發熱脈浮而緊解表
自愈

乾厚白胎舌




病四五日未經發汗
邪熱漸深少有微渴
過飲生冷停積胸中
營熱胃冷故令發熱
煩躁四肢逆冷而胎
自乾厚滿口白屑宜
四逆散加乾薑

白胎黃心舌




此太陽經初傳陽明
府病舌也若微黃而
潤宜再汗待胎燥裏
證具則下之若煩躁
嘔吐大柴胡湯加減
亦有下淡黃水沫無
稀糞者大承氣下之

白胎黃邊舌




舌中見白胎外有微
黃者必作泄宜用解
毒湯惡寒者五苓散

乾白胎黑心舌




此陽明府兼太陽舌
其胎邊白中心乾黑
者因汗不徹傳至陽
明所致必微汗出不
惡寒脈沉者可下之
如二三日未曾汗有
此舌必死

白滑胎尖灰刺舌



此陽明府兼少陽舌
也三四日自利脈長
者生弦數者死如有
宿食用大承氣下之
十可全五

白胎滿黑刺乾舌




白胎中生滿乾黑芒
刺乃少陽之裏證也
其證不惡寒反惡熱
者大柴胡加芒硝急
下之然亦危證也

白滑胎黑心舌




白胎中黑為表邪入
裏之候大熱譫語承
氣等下之倘食復而
發熱或利不止者難
治

半邊白滑舌



白胎見於一邊無論
左右皆屬半表半裏
並宜小柴胡湯左加
葛根右加茯苓有效
嗽引脇下痛而見此
舌小青龍湯夏月多
汗自利人參白虎湯

藏結白滑舌



或左或右半邊白胎
半邊或黑或老黃者
寒邪結在藏也黃連
湯加附子結在咽者
不能語言宜生脈散
合四逆湯可救十中
一二